

**Memorandum o razumijevanju
između
Centralne izborne komisije Bosne i Hercegovine
i
Misije Organizacije za sigurnost i saradnju u Evropi
u Bosni i Hercegovini**

Prisjećajući se uloge koju je Misija Organizacije za sigurnost i saradnju u Evropi (u daljnjem tekstu: OSCE) u Bosni i Hercegovini (u daljnjem tekstu: BiH) imala u pružanju savjetodavne pomoći i podrške Centralnoj izbornoj komisiji Bosne i Hercegovine,

Uvjerene da je Centralna izborna komisija BiH trenutno u potpunosti osposobljena da nadzire i garantira poštenu i demokratsku provedbu izbora u skladu sa Ustavom BiH, Izbornim zakonom BiH i međunarodnim standardima,

Rukovođene potrebom da se osigura da Centralna izborna komisija BiH ostane efikasna, organizirana i dobro informirana kako bi mogla nastaviti štititi integritet izbornog procesa,


Uvidajući da navedena potreba može iziskivati pomoć u budućnosti, u interesu daljnjeg jačanja kapaciteta Centralne izborne komisije BiH, a u cilju unapređenja stepena odgovornosti izabраниh zvaničnika kao i u cilju ukupne provedbe Zakona o finansiranju političkih stranaka i ostalih propisa koji su u nadležnosti Centralne izborne komisije BiH,

Strane potpisnice,

1. **Suglašavaju se** da će Centralna izborna komisija BiH dozvoliti Misiji OSCE-a u BiH imenovanje jednog ili više predstavnika, nezavisno i na *ad-hoc* osnovi,

- koji će prisustvovati sjednicama Centralne izborne komisije BiH u svojstvu posmatrača, sa pravom obraćanja članovima Centralne izborne komisije BiH, i
- u svakom trenutku i na najbolji mogući način ostati informirani o aktivnostima i odlukama Centralne izborne komisije BiH,

te da će Centralna izborna komisija BiH blagovremeno dostavljati Misiji OSCE-a u BiH sve materijale potrebne za održavanje sjednice Centralne izborne komisije BiH;


Inicijali predstavnika
CIK-a


Inicijali predstavnika
OSCE-a

2. **Ponovo potvrđuju** da će Misija OSCE-a u BiH i dalje biti spremna pružati podršku Centralnoj izbornoj komisiji BiH, na zahtjev navedenog tijela, a u vezi sa provedbom Izbornog zakona BiH, Zakona o finansiranju političkih stranaka, Zakona o Vijeću ministara BiH i svih ostalih propisa, sa posebnim naglaskom na jačanju kapaciteta i podizanju nivoa svijesti u interesu očuvanja i poboljšanja poštivanja normi, standarda, obaveza i principa prihvaćenih i potpisanih od strane BiH;
3. **Dodatno potvrđuju** da će navedena pomoć biti pružena kroz provedbu projekata u cilju unapređenja izbornog procesa kao i unapređenja u domeni ispunjenja ostalih odgovornosti Centralne izborne komisije BiH;
4. **Suglašavaju se** da će Misija OSCE-a u BiH pružati pomoć Centralnoj izbornoj komisiji BiH, na zahtjev Centralne izborne komisije BiH, u pribavljanju stručnih mišljenja i stavova relevantnih međunarodnih organizacija (uključujući, između ostalih, Venecijansku komisiju Vijeća Evrope i Ured OSCE-a za demokratske institucije i ljudska prava) o svim pitanjima koja su u nadležnosti Centralne izborne komisije BiH;
5. **Uvažavaju činjenicu** da Centralna izborna komisija BiH i Misija OSCE-a u BiH mogu odustati od svojih obaveza i statusa strane potpisnice proisteklih iz ovog Memoranduma o razumijevanju, uz dostavljanje pisane obavijesti o tome drugoj strani 30 dana unaprijed;
6. **Donose odluku** da će ovaj Memorandum o razumijevanju stupiti na snagu danom potpisivanja i ostati na snazi u trajanju od godinu dana;
7. **Donose odluku** da će Centralna izborna komisija BiH i Misija OSCE-a u BiH razmotriti svoj odnos utvrđen ovim Memorandumom o razumijevanju najkasnije mjesec dana prije isteka važenja ovog Memoranduma o razumijevanju.



Za Centralnu izbornu komisiju BiH

Dr. Ahmet Šantić

Predsjednik

Datum: 23.12.2015.

brj: 04-2-50710-5/15

Za Misiju OSCE-a u BiH

Jonathan Moore

Ambasador Jonathan Moore

Šef Misije

Datum: 23.12.2015.

JA
Inicijali predstavnika
CIK-a

JM
Inicijali predstavnika
OSCE-a